



An Garda Síochána

Doiciméad Beartais

Gnás Éide agus Feistis laistigh den Gharda Síochána

Dáta Éifeachta	1 Iúil 2021
Leagan Uimh.	1.0.
Arna cheadú ag	Feidhmeannach an Gharda
Arna thabhairt isteach le	Treoir HQ 030/2021
Úinéir Beartais	Coimisinéir Cúnta, Réigiún an Iarthuaiscirt

Clár na n-ábhar

1.	Réamhrá	4
2.	Raon Feidhme	4
3.	Téarmaí & Mínithe Ábhartha	4
4.	Róil & Freagrachtaí.....	6
4.1.	Breithnithe maidir le Cearta an Duine	6
4.2.	Cur i bhfeidhm Éide agus an Reachtaíocht lena mbaineann	6
5.	Gnás Feistis.....	7
5.1	Éide.....	7
5.2	Éide Nuair a Théitear ar Dualgas	8
5.3	Éide agus Trealamh (Cigirí agus Oifigigh)	16
5.4	Suaitheantais, Ornáidí nó Boinn a Chaitheamh ar an Éide	17
5.5	Ribíní boinn a Chaitheamh.....	18
5.6	Suaitheantais nach Suaitheantais an Gharda a Chaitheamh	18
5.7	Éide/Trealamh an Gharda a Chaitheamh le haghaidh Imeachtaí Pearsanta.....	18
5.8	Guma Coganta	18
5.9	Caitheamh Tobac.....	18
5.10	Éide Speisialtóra agus TCP.....	19
5.11	Tóirsí	19
5.12	Feisteas do Phearsanra i nGnáthéadaí	19
5.13	Feisteas do Thiománaithe Gluaisrothar	21
5.14	Feisteas do na hAonaid Rothar Sléibhe de chuid an Gharda.....	22
5.15	Feisteas don Chúirt.....	22
5.16	Feisteas nuair a Fhrestalaítear ar Agallamh.....	23
5.17	Baint/Caitheamh na hÉide lasmuigh den Stát	23
5.18	Feisteas Oifigiúil an Gharda a Chaitheamh ag Comhaltaí ag Iompar Clainne.....	23
5.19	Féiniúlacht Insce agus Éide	23
5.20	Cóiriú	23
5.21	Míreanna Éide a Eisiúint agus a Athsholáthar chuig Comhaltaí an Gharda	25
5.22	Diúscairt Éide.....	25
5.23	Éide a eisiúint do Ghardaí Mac Léinn/Promhaidh.....	26
5.24	Cártaí Aitheantais.....	26
5.25	Gléasanna Pearsanta Soghluaiste.....	26

6	Comhlíonadh	27
7	Doiciméid Ghaolmhara	27
8	Scagthástáil ó thaobh an Dlí & Cearta Daonna de	27
9	Caighdeáin Eiticiúla & Gealltanais.....	27
10	Athbhreithniú ar Bheartas & Nós Imeachta.....	27
11	Séanadh.....	27
12	Aiseolas ar Dhoiciméad Beartais & Nós Imeachta	28
13	Aguisíní	28

1. Réamhrá

Leagtar amach sa Bheartas seo na caighdeáin maidir le cód feistis agus éide laistigh den Gharda Síochána. Cuimseoidh sé seo na caighdeáin éide do gach comhalta de chuid an Gharda Síochána atá faoi éide agus i ngnáthéadaí, na Gardaí Cúltaca agus foireann an Gharda Síochána a dhéanann ionadaíocht ar an nGarda Síochána ar bhonn laethúil. Cuimsíonn an bhrí atá le 'caighdeán feistis' feisteas, éadaí, trealamh, cuma agus cóiriú. Tá an Beartas seo deartha chun comhsheasmhacht leis na caighdeáin ghairmiúla is airde a chinntiú agus foráiltear ann do phearsanra ó chúlraí éagsúla a áireamh níos mó chomh maith le bheith neamh-idirdhealaitheach i ngach gné dá ábhar.

Is é aidhm an Bheartais seo:

- A chinntiú go bhfuil cuma chliste, ghairmiúil agus néata ar gach pearsanra sa Gharda Síochána (lena n-áirítear comhaltaí i ngnáthéadaí agus foireann an Gharda Síochána) agus iad ag obair
- A chinntiú go gcaitheann gach pearsanra sa Gharda Síochána (lena n-áirítear comhaltaí i ngnáthéadaí agus foireann an Gharda Síochána) na héadaí cuí dá sainréimse oibre
- Éagsúlacht, cuimsiú, comhionannas agus neamh-idirdhealú níos fearr a chur chun cinn laistigh den Gharda

Ní mór a thabhairt faoi deara go bhfuil an caighdeán feistis agus cuma mar fhreagracht ar gach duine aonair laistigh den eagraíocht. Cinnteoidh maoirseoirí agus bainisteoirí ar gach leibhéal go gcloífear go docht leis an mBeartas seo. Níl an Beartas seo deartha le bheith uileghabhálach agus d'fhéadfadh imeachtaí nó cúinsí a bheith ann inar féidir treoir a lorg ó Úinéir an Bheartais nó ón Stiúrthóir Feidhmiúcháin Acmhainní Daonna & Forbairt Daoine de réir mar is gá. Ní mór cloí go docht le príomh-phrionsabail na gairmiúlachta agus na freagrachta pearsanta.

Príomhthéama de chuid an Bheartais seo is ea a chinntiú go bhfuil caighdeáin feistis fáilteach roimh raon éagsúil daoine agus go bhfuil siad cuimsitheach, agus go bhfuil na caighdeáin seo ag teacht leis an Straitéis Ábhartha Éagsúlachta agus Cuimsithe laistigh den Gharda Síochána agus go gcloínn siad le hAlt 42 den Acht um Chearta an Duine agus Comhionannas na hÉireann, 2014 agus go gcuireann siad chun cinn é.

2. Raon Feidhme

Tá feidhm ag an mBeartas seo agus na doiciméid ghaolmhara go léir maidir le comhaltaí an Gharda Síochána agus foireann an Gharda. Leanfaidh oifigigh atá ar iasacht ón PSNI a gcód feistis agus éide féin, nuair is gá agus más cuí.

1. Téarmaí & Mínithe Ábhartha

Garda Síochána: Mar a shainmhínítear in Acht an Gharda Síochána 2005, mar chomhalta d'aon chéim (lena n-áirítear Coimisinéir an Gharda Síochána) agus Garda Cúltaca ach ní fholáíonn sé ball d'fhoireann Shibhialtach an Gharda Síochána.

Foireann an Gharda Síochána: Tagraíonn sé d'fhoireann an Gharda Síochána nach bhfuil faoi bhrí mhionna (ar a dtugtaí foireann Shibhialtach roimhe seo).

Pearsanra: Folaíonn sé comhaltaí an Gharda Síochána agus foireann an Gharda araon.

Comhalta - Sa doiciméad Beartais seo bainfear úsáid as an téarma chun tagairt a dhéanamh do gach grád de chomhaltaí an Gharda Síochána.

Éide - Aon mhír(eanna) éide a eisíodh chuig Pearsanra an Gharda Síochána le caitheamh chun a gcuid dualgas a chomhlíonadh.

Caighdeán Éide/Feistis - An caighdeán atá leagtha síos ag an mBeartas seo a gceanglaítear ar gach pearsanra cloí leis. Tá feidhm aige maidir le comhaltaí faoi éide agus i ngnáthéadaí, agus le foireann an Gharda Síochána, agus cuimsíonn sé gach gné den chuma phearsanta.

Feisteas Cliste/Gairmiúil - Chun críocha an Bheartais seo, tagraíonn feisteas "cliste" agus "gairmiúil" d'éadaí a chaitheann pearsanra cibé acu faoi éide nó i ngnáthéadaí a oireann dá réimse oibre agus ní mór é a bheith glan, brúite, feistithe i gceart agus caite le coisbheart snasta (nuair is infheidhme) de réir na caighdeán atá leagtha amach sa doiciméad Beartais seo.

Gnáthéadaí - Tagraíonn sé do mhíreanna éadaí a chaitheann comhaltaí atá ag obair i gcáil ghnáthéadaí agus nach aon mhíreanna éide eisithe iad.

Trealamh Cosanta Pearsanta (TCP) - Tagraíonn sé d'aon ghairesas nó fearas atá deartha le caitheamh nó le coinneáil ag pearsanra lena chosaint ar ghuais sláinte agus sábháilteachta amháin nó níos mó.

Cód Eitice - Leagtar amach na prionsabail chaighdeánacha chun bonn eolais a chur faoi ghníomhartha gach comhalta den Gharda Síochána agus foireann an Gharda Síochána ag gach leibhéal den eagraíocht agus chun iad a threorú.

Na cúig K - Is éard atá i gceist leis an cúig K cúig airteagal creidimh a bhfuil sé de dhualgas ar Shuíceacha baiste (Amritdhari) a chaitheamh. Is éard atá sna cúig K na nithe seo a leanas:

- Kachera: Fo-éadaí cadáis a chaitheann gach Suíceach
- Kanga: Cíor adhmaid, a úsáidtear chun gruaig duine a choinneáil cíortha agus dea-bhail a chur uirthi, a chaitear faoin dastar
- Kara: Bráisléad siombalach déanta d'iarann
- Kesh: Gruaig neamhghearrtha, ceangailte agus faoi chlúdach dastar de ghnáth
- Kirpan: Claíomh nó miodóg déanta d'iarann agus de mhéideanna éagsúla, ar a bhfuil imeall aonair, cuartha agus a d'fhéadfadh a bheith géar nó maol

Hijab - cineál éide traidisiúnta ioslamach, bunaithe ar rialacha ioslamacha i dtaca le humhlaíocht agus éide do mhná, tagraíonn an hijab do chlúdach ar bith (ceann, aghaidh nó colainn) atá i gcomhréir leis na rialacha sin. Chun críocha an Bheartais seo, tagraíonn an hijab do chlúdach cinn go sonrach.

Turban/Dastar - Cídeog chinn thraidisiúnta a chaitheann go leor daoine ar fud an domhain, agus is minic baint a bheith aige le cleachtadh cultúrtha nó reiligiúnach (Tagraíonn dastar don turban a chaitheann daoine den chreideamh Suíceach amháin).

Kirpan - Miodóg nó claíomh searmanach is ea an Kirpan agus tá sé mar chuid de na cúig K ar siombailí iad go bhfuil an Suíceach a chaitheann iad tiomnaithe do shaol cráifeachta. D'fhéadfadh méideanna éagsúla den Kirpan a bheith ann agus iad idir trí agus seacht n-orlach ar fad agus coinnítear iad i dtruail shlán. Más mian le comhalta Suíceach Kirpan a chaitheamh ar dualgas ba cheart don Kirpan a bheith ar cheann níos lú agus a chaitheamh faoin bhfeisteas agus tá sé faoi réir measúnú riosca ag Aonad Sláinte agus Sábháilteachta Gharda.

- Déan tagairt don Oifig um Chomhionannas, Éagsúlacht agus Cuimsiú chun treoir a fháil maidir le haon mhír nó airteagal eile de chreideamh nó de chultúr reiligiúnach.

4. Róil & Freagrachtaí

Coimisinéir Cúnta, Réigiún an Iarthuaiscirt: Mar Úinéir Beartais cinnteoidh mé forbairt, cur i bhfeidhm, comhlíonadh, monatóireacht agus athbhreithniú ar an mBeartas 'Cód Éide agus Feistis laistigh den Gharda Síochána'

Comhaltaí faoi Éide an Gharda Síochána: A chinntiú go gcaitear a n-éide i gcomhréir leis an mBeartas seo

Pearsanra i nGnáthéadaí: A chinntiú go bhfuil a modh éide gairmiúil agus slachtmhar, de réir riachtanais an Bheartais seo

Aonad Sláinte agus Sábháilteachta an Gharda Síochána: Measúnú riosca cuí a dhéanamh, nó cuirfidh sé faoi deara go ndéanfar é, ar mhíreanna sonracha a iarrtar a chaitheamh agus iad ar dualgas

Maoirseoir: Tá sé de fhreagracht ar gach maoirseoir a chinntiú go gcuirtear an pearsanra ábhartha ar an eolas faoin mbeartas 'Gnás Éide agus Feistis laistigh den Gharda Síochána' agus go gcloíonn siad leis

Sa doiciméad seo, úsáidfear an téarma "**Maoirseoir**" chun tagairt a dhéanamh don phearsanra seo a leanas:

1. Maoirseoir díreach agus/nó
2. Bainisteoir céadlíne, nó os a chionn (suas go dtí an Ceannfort/Príomhoifigeach Cúnta Céim/Grád)

4.1. Breithnithe maidir le Cearta an Duine

Is príomhchuspóir póilíneachta é cearta an duine a chur i bhfeidhm agus is é bunús na póilíneachta é. Tá ról ríthábhachtach ag Pearsanra an Gharda Síochána maidir lena chinntiú go bhfuil na cearta seo ag gach duine ar bhonn laethúil agus dá bhrí sin ní mór don Gharda Síochána mar eagraíocht a bheith ar an airdeall faoin ról seo agus machnamh a dhéanamh air.

Faoi Alt 42 den Acht fá Choimisiún na hÉireann um Chearta an Duine agus Comhionannas, 2014, bíonn aird ag comhlachtaí poiblí, lena n-áirítear an Garda Síochána, a bhfuil dualgas reachtúil orthu i gcomhlíonadh a bhfeidhmeanna, ar an ngá atá leis na nithe seo a leanas:

- Deireadh a chur le hidirdhealú
- Comhionannas deiseanna agus córa a chur chun cinn dá fhoireann agus do dhaoine dá soláthraíonn sé seirbhísí, agus
- Cearta Daonna a fhoirne agus na ndaoine dá soláthraíonn sé seirbhísí a chosaint

Agus maoirseacht á déanamh ar chloí leis an mbeartas 'Gnás Éide agus Feistis laistigh den Gharda Síochána', ba cheart do mhaoirseoirí agus do bhainisteoirí a bheith ar an eolas go bhfuil sé de cheart ag gach duine meas, cóir chothrom agus dínit phearsanta a fháil agus níor cheart go ndéanfadh aon ghníomh a dhéantar idirdhealú éagórach, míréasúnta ná treallach idir daoine aonair.

4.2. Cur i bhfeidhm Éide agus an Reachtaíocht lena mbaineann

Ba chóir go mbeadh cur amach ag comhaltaí den Gharda Síochána a dhéanann maoirseacht ar chomhlíonadh an bheartais 'Gnás Éide agus Feistis laistigh den Gharda Síochána' ar an reachtaíocht seo a leanas:

- An tAcht fá Choimisiún na hÉireann um Chearta an Duine agus Comhionannas, 2014 (Alt 42)
- Na hAchtanna um Chomhionannas Fostaíochta, 1998-2015
- Na hAchtanna um Stádas Comhionann, 2000-2018

Chomh maith leis sin:

- Airteagal 44.2.3 de Bhunreacht na hÉireann
- Airteagal 9 de Choinbhinsiún na hEorpa um Chearta an Duine (ECHR) “Saoirse smaointeoireachta, coinsiasa agus reiligiúin”.

5. Gnás Feistis

Tá an Garda Síochána tiomanta do na caighdeáin is airde cuma atá tipiciúil de sheirbhís phóilíneachta ghairmiúil nua-aimseartha agus is éard atá i gceist leis seo ná glacadh le cúlra eitneach, cultúrtha agus reiligiúnach gach duine den phobal. Tacófar go dearfach le riachtanais éagsúlachta, nuair is féidir agus sábháilte ó thaobh oibríochta de, agus nuair is gá tar éis measúnú riosca a dhéanamh a bhaineann leis an ról sonrath atá le comhlíonadh. Is é Aonad Sláinte agus Sábháilteachta an Gharda Síochána a dhéanfaidh measúnuithe riosca ina leith seo. Níl sé i gceist go mbeadh na forálacha éagsúlachta laistigh den bheartas seo uileghabhálach agus fáiltíonn an Oifig um Chomhionannas, Éagsúlacht agus Cuimsiú roimh gach duine ó chúlráí eitneacha, cultúrtha agus reiligiúnacha éagsúla a aithint agus cuirfidh sí an tacaíocht riachtanach ar fáil nuair is gá chun é sin a dhéanamh. Ina theannta sin, ba cheart do gach duine laistigh den Gharda Síochána, nuair a mheastar gur gá, leas a bhaint as plé rúnda lena maoirseoir nó lena mbainisteoir líne maidir le haon riachtanais shonracha phearsanta agus cabhróidh an Oifig um Chomhionannas, Éagsúlacht agus Cuimsiú anseo freisin.

5.1 Éide

- Is é éifeacht fhoriomlán na héide cuma chliste agus ghairmiúil a thabhairt
- Beidh éadaí glan, slachtmhar agus curtha i láthair go maith i gcónaí
- Beidh feisteas iomlán éide ag gach comhalta den tseirbhís atá faoi éide mura mbeidh a mhalairt díolmhaithe
- Cloífidh gach éide leis na caighdeáin atá leagtha amach sa bheartas seo agus coinneofar i riocht maith iad
- Beidh gach comhalta sa rannóg faoi éide (mura bhfuil siad díolmhaithe ag an gCoimisinéir) faoi éide agus iad ar dualgas. Caithfear éide an Gharda Síochána de réir na treoracha atá leagtha amach sa bheartas seo
- Cóireofar na comhaltaí faoi éide a bheidh curtha ar dualgas céanna ar an gcaoi chéanna. Sa chás go gcuirfear líon mór comhaltaí ar dualgas chun teacht le chéile (paráid san áireamh), cinnteoidh an comhalta atá i gceannas aonfhoirmeacht na héide. Is é ról an mhaoirseora freisin a chinntiú go bhfuil paca iomlán éide oibríochtúil ag na comhaltaí agus ba cheart é sin a sheiceáil go rialta
- Caithfidh gach comhalta de chéim an tSáirsint agus céim an Gharda den tseirbhís éide an uimhir ghualainn a leithdháiltear orthu ar ghuailleoga na léine, ionar, seaicéad patróil, lomra agus gach éide eile, de réir mar a bheidh

- Caithfidh comhaltaí d'aonaid speisialaithe éadaí eisiúna oifigiúla de réir mar is infheidhme maidir le haonaid den sórt sin
- Ní **chaithfear éide a eiseofar** i leith dualgas áirithe ach amháin i leith an dualgais sin. (e.g. ní chaithfear éide a eiseofar le haghaidh dualgas rothar sléibhe ach amháin i leith an dualgais sin)
- Beidh comhaltaí faoi éide den Gharda Síochána, lena n-áirítear Oifigigh, faoi éide agus iad i láthair na meán

Tá dianchosc ar éide a chaitheamh nuair nach bhfuiltear ar dualgas, cé is moite de na cúinsí atá leagtha amach thíos:

- Agus tú ag freastal ar shochraid comhaltaí éagtha
- Ar údarú Ard-Cheannfoirt, ag imeachtaí neamh-dhualgais ag a n-iarrann an Garda Síochána ar chomhaltaí ionadaíocht a dhéanamh thar ceann na heagraíochta in éide

Ar mhaithe le híomhá ghairmiúil an Gharda Síochána, ní ceadmhach do chomhaltaí meascán d'fheisteas agus gnáthéadaí a chaitheamh ar feadh aon tréimhse níos faide ná mar is gá chun taisteal chuig nó ó dhualgas nó chun sólaistí a fháil.

Bíonn na comhaltaí freagrach i gcónaí as sábháilteacht agus slándáil na n-earraí feistis a eisítear chucu agus ní mór dóibh a bheith ar an eolas faoi na rioscaí tromchúiseacha slándála má chailtear aon mhír d'éide an Gharda Síochána.

5.2 Éide Nuair a Théitear ar Dualgas

Beidh Garda nó Sáirsint den tseirbhís faoi éide in éide le linn dó nó di a bheith ar dualgas, mura n-ordófar a mhalairt. Ba chóir éide a chaitheamh de réir an bheartais seo agus ba chóir di a bheith glan, scuabtha agus brúite. Ba chóir filltíní a chur ar bhríste mar is ceart. Beidh an TCP cuí ar chomhalta atá ar dualgas sa chrios fónais oifigiúil agus sna sparáin a eisítear lena n-áirítear bata insínte, glais lámh, sprae éagumasaithe, sciath frithsheile (nuair is infheidhme), leabhar nótaí, peann agus sparán leighis. Beidh bróga nó buataisí néata, glan agus déanfar iad a chothabháil mar is ceart.

5.2.1 Éide Oibríocháin

Is éard atá san éide oibríochtúil:

- Caipín Oibríochtúil an Gharda Síochána
- Clúdach Caipín
- T Léine (Roghnach – caite faoin Léine)
- Léine
- Carbhat
- Biorán carbhait
- Guailleoga
- Veist Chosanta Phearsanta
- Bríste
- Crios
- Lomra
- Seaicéad Uiscédhíonach
- Bríste uiscédhíonach
- Seaicéad Samhraidh Ard-Infheictheachta (Jerkin)
- Seaicéad Geimhridh Ard-Infheictheachta (Flexothane)

- Crios Fóntais agus Sparáin
- Coisbheart
- Lámhainní

5.2.2 An Caipín a Chaitheamh

Caithfidh Gardaí faoi éide ceannbheart a eisíodh go hoifigiúil chucu, agus iad amuigh sa phobal ar dualgas agus díreach ag tuirlingt d'fheithiclí oifigiúla. Is féidir caipíní a bhaint agus iad i bhfeithiclí nó i bhfoirgnimh. Cuirfear cur chuige ciallmhar i bhfeidhm, áfach, agus é nó í ag freagairt d'eachtraí neamhphleanáilte ar gá aird a thabhairt orthu láithreach. Is féidir Clúdaigh Caipín a chaitheamh ar an gcaipín le linn droch aimsire.

Eisítear dhá chineál caipíní do chomhaltaí, ceann amháin le caitheamh leis an bhfeisteas oibríochtúil agus ceann le caitheamh leis an bhfeisteas foirmiúil. Ní mór an caipín ceart a chaitheamh le gach feisteas. Beidh na caipíní in oiriúint ar mhaithe le compord agus cuma. Úsáidfear an smigiris inleathnaithe a chuirtear ar fáil nuair is gá chun an caipín a choinneáil in áit ar lá gaofar. Cinnteoidh banchomhaltaí a bhfuil gruaig fhada orthu nach gcuirfidh méid nó fad na gruaige isteach ar ghnáthchaitheamh na héide. Beidh sé ceangailte go néata agus cuirfear faoin gcaipín é gan aon chocán ná pónaí le feiceáil.

Caithfidh comhalta faoi éide atá ceangailte le Coláiste an Gharda Síochána agus comhaltaí faoi éide a bheidh i láthair ag an gcoláiste ar chúis ar bith, lena n-áirítear Gardaí Promhaidh/Mac Léinn, a gcaipíní i gcónaí nó de réir mar a threoraíonn an Stiúrthóir Oiliúna. Caithfidh comhaltaí an caipín freisin agus iad ag dul idir oifigí agus seomraí ranga.

Tacófar le baill Chúltaca na nGardaí agus an Gharda Síochána ar mian leo ceannbheart a chaitheamh ar chúiseanna agus ar chreidimh reiligiúnacha agus chultúrtha nuair is féidir agus d'fhéadfadh siad a bheith faoi réir measúnú riosca a dhéanamh ar an ról nó ar an dualgas ar leith.

Féadfaidh comhaltaí faoi éide hata urnaí (Kufi nó Topi) nó cloigeann (Kippah) a chaitheamh faoi chaipín oifigiúil an Gharda Síochána, níor cheart go mbeadh aon impleachtaí sláinte nó sábháilteachta aige seo.

Féadfaidh Gardaí nó comhaltaí Cúltaca an Gharda Síochána an ceannbheart traidisiúnta Moslamach (Hijab) a chaitheamh faoin gcaipín coiteann. Beidh sé seo ina eisiúint oifigiúil don chomhalta agus beidh ábhar neamhlonrach dúghorm ann. Beidh ceangail ag an Hijab atá oiriúnach le scaoileadh go tapa agus caithfear é sa chaoi is go bhfanfaidh aghaidh, uimhreacha gualainn agus aon aitheantas eile an té atá á chaitheamh i radharc.

Féadfar turban a chaitheamh in ionad an chaipín oifigiúil ar dualgas de réir mar is gá. Beidh dath dúghorm na heisiúna oifigiúla air agus ní eiseofar é chuig Pearsanra an Gharda Síochána ach amháin nuair a chuirfear iarratas faofa ar aghaidh trí na gnáthbhealaí chuig an gCeannfort atá i gceannas ar Sholáthar.

I gcás teagmhas tromchúiseach oird phoiblí, agus nuair a ordaítear dó é sin a dhéanamh, ní mór clogad oird phoiblí oifigiúil a chaitheamh chun sláinte agus sábháilteacht an chomhalta, a chomhghleacaithe agus an phobail a chosaint. Ina theannta sin, ní cheadófar gníomhaíochtaí póilíneachta eile a éilíonn, ar na cúiseanna céanna sláinte agus sábháilteachta, go gcaithfear ceannbheart cosanta saincheiste oifigiúla e.g. rothar, gluaisrothar, aonaid armtha speisialaithe etc. gan TCP iomlán saincheiste oifigiúla a chaitheamh.

5.2.3 T-Léinte



Is féidir t-léinte eisiúna oifigiúla a chaitheamh faoin léine oibríochta. Déantar iad seo as ábhar ionsúite chun cabhrú le cur allais agus an veist cosanta á chaitheamh.

5.2.4 T-Léinte Feistis

Beidh léinte glan agus brúite i gcónaí. Beidh na cnaipí dúnta suas go dtí an cnaipe barr i gcónaí, gan níos mó ná spás méar amháin idir an cába agus taobh thiar den charbhat.

Agus an léine fhada muinchille á caitheamh, ceanglófar na cufaí ag caol na láimhe. Ní dhéanfar muinchillí léine a rolladh suas ná a bhrú suas. Cuirfear na léinte go néata isteach sa bhríste i gcónaí agus ní chaithfear iad riamh lasmuigh den bhríste. Caithfear an léine leis an gcarbhat oifigiúil agus an biorán ar dualgas.

5.2 5 Guailleoga

Ní mór do comhalta faoi éide den Gharda Síochána guailleoga a chaitheamh agus iad faoi éide. Ní mór do chomhaltaí de Chéim an Gharda agus an tSáirsint uimhir gualainne aitheantais a chaitheamh ar na guailleoga seo. Ní thaispeánfar ach uimhreacha gualainne bróidnithe ar ghuailleoga. Caithfear uimhreacha miotail ar ghuaillí an ionair amháin agus ní cheadaítear iad ar aon mhír éide eile. Déanfaidh Sáirsintí rachtáin mhiotail a chaitheamh ar a n-ionair.

Caithfidh gach Oifigeach agus Cigire guailleoga le marcálacha céime agus iad faoi éide ar ócáid ar bith nuair a chaitear an léine. Ceanglaítear iad seo leis na lúba ghualainn agus ceanglaítear iad i gceart chun sciorradh a sheachaint. Ní chaithfear ach na guailleoga oifigiúla a eisítear.

Caithfear na guailleoga cuí do gach mír éadaí e.g. ní chaithfear guailleoga seaicéad patróil ar an léine go deo agus vice versa.

Caithfear guailleoga agus iad le feiceáil go soiléir, ar gach mír den éide lena n-áirítear an veist cosanta pearsanta.

Agus iad ag máirseáil ar dualgas, cinnteoidh maoirseoirí go bhfuil a gcuid guailleoga bróidnithe á gcaitheamh ag comhaltaí ar an mbealach ceart agus go bhfuil an céanna le feiceáil go soiléir.

5.2.6 Carbhat agus Biorán an Fheistis

Caithfear an carbhat oifigiúil i gcónaí nuair atá an comhalta ar dualgas agus faoi éide. Caithfear carbhait sa mhodh ceart thar an cnaipe ag barr an léine. Beidh cnaipe barr na léine dúnta i gcónaí agus ní cheadaítear carbhat a ghreamú le taobhanna den léine/cába. Beidh aon imeacht uaidh sin ag brath ar an éide a bhaineann le dualgas a eisítear agus/nó ar aon treo ón Leas-Choimisinéir Céim/Grád (nó os a chionn) nó ó Úinéir an Pholasaí. Ní féidir ach an biorán carbhait ceadaithe de chuid an Gharda a chaitheamh agus ní cheadaítear aon mhaisiú eile ar an gcarbhat. Ní chaithfear an biorán carbhait nuair a bhíonn veisteanna cosanta pearsanta á gcaitheamh ag baill.

5.2.7 Veisteanna Cosanta Pearsanta (Armúr Coirp)

Eisítear veisteanna cosanta pearsanta chuig gach comhalta den Gharda Síochána ar mhaithe lena gcosaint agus a sábháilteacht phearsanta. Mar gheall ar nádúr dothuartha obair na bpóilíní, ní féidir an bhagairt gortú féideartha a réamh-mheas. Tá caitheamh na veisteanna seo éigeantach do gach comhalta atá ag gabháil do dhualgais oibriúcháin lasmuigh. Is dá rogha féin atá sé veisteanna a chaitheamh ag comhaltaí atá ar dhualgas laistigh, lena n-áirítear freastal ar an gcúirt. Beidh na comhaltaí ar an eolas faoi na rioscaí bhaineann le dualgas stáisiúin, déileáil le príosúnaigh, an riachtanas tobann an stáisiún a fhágáil chun freastal ar éigeandáil, etc.

Tá dhá chineál veiste cosanta pearsanta ar eisiúint, ceann do chomhaltaí faoi éide agus ceann do chomhaltaí atá ag gabháil go buan do dhualgas i ngnáthéadaí. Tá gach veist chosanta phearsanta déchuspóireach, i.e. tabharfaidh sé cosaint ar airm thine agus sceana araon. Tabharfaidh gach veist cosanta pearsanta cosaint freisin i gcoinne earraí cosúil le buidéal bhriste agus cineálacha eile tráma maol. Ba chóir do chomhaltaí a thabhairt faoi deara go bhfuil airíonna balaistíochta/frith-shá an dá chineál veiste cosúil lena chéile.

Cineál 1 – Comhaltaí atá Fostaithe ar Dhualgais Faoi Éide

Caithfear an veist chosanta ard-infheictheachta thar an léine feistis. Caithfear guailleoga ar ghualainn na léine feistis agus ní mór dóibh a bheith le feiceáil agus an veist cosanta á caitheamh acu. Caithfidh Gardaí faoi éide an carbhat lena veist chosanta phearsanta. Ní chaithfear an biorán carbhait nuair a bhíonn veisteanna cosanta pearsanta á gcaitheamh ag comhaltaí. Dearadh an veist seo go sonrach don Gharda Síochána agus cuimsíonn sé gnéithe sábháilteachta ar na guailí, dearadh v-mhuineál agus ábhar cordura. Tá sé deartha le bheith comhoiriúnach le trealamh caighdeánach, éide, criosanna fóntais, srl.

Cineál 2 – Comhaltaí atá Fostaithe ar Dualgais i nGnáthéadaí

Eisítear an veist seo do chomhaltaí de bhainse bleachtairachta agus fostaítear comhaltaí go lánaimseartha ar dualgais i ngnáthéadaí. Tá an veist deartha le haghaidh úsáid gnáthéadaí agus is féidir é a chaitheamh go rúnda nó go follasach.

Nuair a aistríonn comhalta ó dhualgas faoi éide go dualgas i ngnáthéadaí, nó a mhalairt, féadfaidh siad cibé veist a leithdháileadh orthu i dtosach a úsáid. Beidh cineál eile veiste ag teastáil le haghaidh athruithe buana dualgais agus é sin amháin. Tá clúdaigh a oireann don ról ar fáil le hordú ó Shiopaí Lárnacha an Gharda Síochána.

Caithfidh gach ball a fhreastalaíonn ar oiliúint arm tine, lena n-áirítear teagascóirí, an veist chosanta phearsanta oifigiúil agus iad i mbun cleachtaí oiliúna arm tine beo.

Tá comhaltaí atá ag gabháil do na dualgais seo a leanas díolmhaithe ón oibleagáid seo agus féadfaidh siad a veist a chaitheamh dá rogha féin:

- Oifigh Teagmhála don Óige
- Scrúdaitheoirí Láithreacha Coireachta
- Cigirí PSV
- Oifigh Coiscthe Coireachta
- Comhaltaí an Aonaid Um Thacaíocht Aeir
- Comhaltaí an Aonaid Uisce
- Comhaltaí ar dhualgas gluaisrothair ag caitheamh éadaí cosanta a eisíodh go hoifigiúil
- Cléirigh
- Cúinsí a shainithin an tOifigeach Rannáin/an tArd-Cheannfort go foirmiúil i scríbhinn tar éis measúnú riosca cuí a dhéanamh

Ba cheart cúram agus cothabháil veisteanna cosanta pearsanta a dhéanamh i gcomhréir le treoracha an mhonaróra.

5.2.8 Veist Chosanta Phearsanta a Chaitheamh

De réir Alt 13 (g) an tAcht um Shábháilteacht, Sláinte agus Leas ag an Obair, 2005, tá dualgas dlíthiúil ar fhostaithe úsáid cheart a bhaint as trealamh cosanta pearsanta. Déanfaidh comhaltaí aon locht nó easnaimh ar an veist a thuairisciú dá maoirseoir láithreach agus déanfaidh an maoirseoir sin socrú le haghaidh athsholáthair. D'fhéadfadh tionchar a bheith ag neamhchomhlíonadh na dtreoracha seo ar aon éileamh ina dhiaidh sin a dhéantar maidir le díobháil ar dhualgas.

Is féidir armúr an choirp a choigeartú le haghaidh chompord ar an mbealach seo a leanas. Cuir armúr an choirp ort agus déan an suíomh dúnta a choigeartú, ionas go mbeidh sé compordach sa suíomh suí. Agus tú i do sheasamh, déan suíomh gach ceangail ar na taobhanna a choigeartú, ionas nach gcuirfidh armúr an choirp srian ar anáil cé go bhfuil sé suite go docht ar an gcolainn. Is rogha aonair é coigeartú agus caitheamh armúr do choirp, ach tá sé tábhachtach go n-oirfeadh sé go dlúth gan aon ghluaiseacht mhíchuí ar an gcolainn. Níor cheart go mbeadh aon bhearna ann ina dtagann na painéil isteach agus ní mór do na painéil tosaigh teagmháil a dhéanamh leis na painéil chúil.

Ní mór gach veist chosanta phearsanta a choinneáil de réir threoracha an mhonaróra, a gcuirtear gach veist ar fáil dóibh. Tabharfaidh na comhaltaí faoi deara na treoracha cúraim ar an mbileog eolais atá sa phóca plaisteach ar an taobh amuigh den mhála iompróra ar an veist. Tá treoracha cúraim le fáil freisin ar thaobh na colainne de na painéil chosanta. Cuirtear clúdach breise ar fáil chun níochán rialta a éascú. Más gá, tá clúdaigh bhreise ar fáil tríd an gcóras ordaithe ar líne.

5.2.9 Painéil Chosanta – Ionsá isteach i gClúdach Seachtrach

Agus na painéil chosanta á gcur isteach sna clúdaigh sheachtracha, glacfar de chúram i gcónaí go gcuirtear na heilimintí cosanta isteach ar an mbealach ceart. Tá an taobh atá le caitheamh i gcoinne na colainne marcáilte go soiléir ar gach painéal cosanta.

Ar na hócáidí seo, cinntigh nach dtarlaíonn aon damáiste do chlúdaigh an phainéil armúir. Má fhaigheann comhalta aon damáiste ar nós scoilteanna nó uamanna oscailte, cuir do mhaoirseoir láithreach ar an eolas a thuairisceoidh an t-ábhar don Rannóg Soláthair, a shocróidh an deisiú nó an t-athsholáthar, de réir mar is gá. Ní mór na hionsánna a chur sa chlúdach seachtrach ceart. Ní mór an mhír tosaigh a chur sa chuid tosaigh den chlúdach veiste agus sa phainéal cúil sa chuid chúil. Tá rian ar lipéid na bpainéal cosanta a léiríonn painéil tosaigh agus cúil.

Tá sé éasca go leor an chuid tosaigh den chlúdach seachtrach follasach a aithint ós rud é go bhfuil póca amháin air do phearsanra faoi éide agus stiall bheag velcro do bhleachtairí. Chun na codanna tosaigh agus cúil den chlúdach ceilte nó follasacha a aithint féach ar na fáiscíní. Tá siad socraithe ar an bpíosa cúil den veist agus dúnta ar an bpíosa tosaigh ina bhfuil an painéal lúb tadhaill agus dúnta suite. Tá sé an-tábhachtach treoshuíomh ceart na bpainéal armúir a chinntiú agus iad á líonadh isteach sna clúdaigh. Tá rian ann: 'taobh na colainne' a léiríonn do chomhaltaí cén taobh a gcaithfear a chur i dtreo na colainne.

N.B. NÍ THUGANN AN CLÚDACH SEACHTRACH AON CHOSAINT LEIS FÉIN. NÍ MÓR NA HIONSÁNNA COSANTA A CHUR LAISTIGH DEN CHLÚDACH SEACHTRACH CHUN COSAINT A THABHAIRT DON TÉ ATÁ Á CAITHEAMH.

N.B. NÁ DÉAN IARRACHT PAINÉAL ARMÚIR A ÚSÁID A BHFUIL DAMÁISTE DÉANTA DÓ NÓ ATÁ NEAMH-INFHEIDHME.**5.2.10 Stóráil Armúir Colainne Nuair nach bhfuil sé in Úsáid**

Eisítear treoirínte ina leith le gach veist agus ionchorpraítear iad i bpóca soiléir tosaigh an mhála iompróra ina bhfuil an veist.

5.2.11 Bríste

Beidh bríste glan, le filltíní cearta orthu agus brúite. Suífidh siad go cothrom ar bharr coisbhirt. Cinnteoidh na comhaltaí go gcaitear an bríste foirmiúil mar chuid den éide fhoirmiúil. Tá cosc ar chomhaltaí a lámh(anna) a choinneáil ina bpóca(i) ag am ar bith agus iad faoi éide.

5.2.12 Crios

Caithfear crios oifigiúil an Gharda Síochána leis an mbríste éide i gcónaí.

5.2.13 Seaicéad Lomra

Is sraith theirmeach é an mhír éide seo agus is féidir é a chaitheamh mar chuid den chóras srathaithe nó mar bhall éadaigh neamhspleách. Nuair an chaitear an seaicéad lomra, ní mór léine agus carbhat an Gharda Síochána a chaitheamh faoi. Féadfaidh comhaltaí an seaicéad lomra, gan seaicéad uiscédhíonach, a chaitheamh ar dualgas laistigh agus ar dhualgais phatróil shoghluaiste. Sa chás go n-éilíonn dálaí aimsire é, féadfar an seaicéad lomra a chaitheamh faoin seaicéad ard-infheictheachta.

5.2.14 Seaicéad Uiscédhíonach

Caithfear an ball éadaigh seo d'fhonn cosaint a chur ar fáil i gcoinne aimsir níos fuaire agus / nó báisteach. Is féidir é a chaitheamh ar leithligh nó thar an seaicéad lomra. I gcoinníollacha tirime déanfar an cába a chasadh síos ionas go mbeidh an carbhat le feiceáil. I ndroch aimsir is féidir an cába a dhúnadh go hiomlán. Dúnfar gach cnaipe lena n-áirítear an flapa stoirme chun tosaigh chun an chosaint is mó a fháil. Beidh gach ball éadaigh uachtaraigh clúdaithe.

5.2.15 Bríste uiscédhíonach

Is féidir an mhír éadaí seo a chaitheamh i ndrochaimsir. Tá an bríste seo deartha d'aon ghnó chun dul níos faide ná an gnáth-choimlíne le haghaidh cosaint uiscédhíonach feabhsaithe. Is féidir é a tharraingt suas go dtí creat na n-easnacha chun clúdach iomlán a sholáthar, agus ba chóir é a chaitheamh i gcomhar leis an seaicéad uiscédhíonach.

5.2.16 Crios Fóntais / Mála Creasa

Caitear an crios fóntais le héide oibríochtúil an Gharda Síochána. Is é an cuspóir atá leis ná earraí sonraithe éagsúla a bhaineann le dualgas a bheith ar iompar ag comhaltaí oibríochtúla den Gharda Síochána i.e. bata insínte, glais lámh, sprae éagumasaithe, sciath frithsheile (nuair is infheidhme), leabhar nótaí, peann agus mála leighis.

Tá púitsí ar eisiúint do gach comhalta suas go dtí céim an chigire agus céim an chigire san áireamh. Caithfear iad leis an gcrios fóntais chun na míreanna TCP thuas a iompar.

Cinntoidh céimeanna maoirseachta go gcaithfidh na comhaltaí an crios fóntais eisiúna oifigiúil, na púitsí agus an TCP iomchuí agus iad ar dualgas.

5.2.17 Seaicéid Fhrithchaiteacha/Seaicéid Ard-Infheictheachta

Is cuid an-tábhachtach de TCP é an seaicéad frithchaiteach/ard-infheictheachta. Tá sé deartha chun leibhéal ard infheictheachta a sholáthar nuair a bhíonn comhalta ar dualgas lasmuigh, go háirithe san oíche agus nuair a bhíonn sé nó sí ar dualgas tráchta. Caithfear seaicéad frithchaiteach/ard-infheictheachta ar na hócáidí seo a leanas:

- Stadanna/seicphointí/dualgas tráchta feithicle
- Le linn uaireanta an dorchadais (uaireanta solais an lae san áireamh, má ordaítear iad)
- De réir mar a threoraíonn an comhalta i gCeannas ag mórimeachtaí
- Nuair a shocraítear le measúnú riosca go n-éilíonn an staid atá i réim
- Cibé ócáidí eile a mheastar a bheith riachtanach ag féachaint do chúinsí Sláinte agus Sábháilteachta
- I gcás ina bhfuil láithreach ard-infheictheachta inmhianaithe
- Nó ag am ar bith eile de réir mar a ordaítear

Coinneofar iad de réir threoracha an mhonaróra.

Ba chóir an chuid seo a léamh i gcomhar le Fógra Sábháilteachta an Gharda Síochána SN01.2019 'Seaicéid Ard-Infheictheachta a Chaitheamh'.

5.2.18 Coisbheart

Caithfidh comhaltaí faoi éide coisbheart eisiúna oifigiúil i gcónaí. Is éard a bheidh sa choisbheart bróga dubha, lásáilte, bróga leathair nó buataisí. Beidh na huachtair réidh agus saor ó ornáidíocht agus beidh an fhuáil lom. Caithfear stocaí dubha nó dorcha gorma le bróga. Cuirfear snas néata ar bhróga/buataisí i gcónaí agus beidh siad glan agus lásáilte mar is ceart. Cinnteoidh comhaltaí a neisítear coisbheart sábháilteachta dóibh go gcaitear é agus iad ar dualgas oibríochta.

Is féidir coisbheart malartach a chaitheamh i gcásanna inar deonaíodh maoluithe agus ina fostaítear comhaltaí ar dualgas nach gá coisbheart sábháilteachta a chaitheamh e.g. dualgais oifige, nó mar mhalairt air sin i gcás ina bhfuil coisbheart malartach ceadaithe ag an bPríomh-Oifigeach Leighis mar gheall ar fhadhbanna leighis.

Nuair a éilíonn nádúr an dualgais é, nó in ndrochaimsir, féadfar buataisí báistí a chaitheamh.

5.2.19 Geansaithe

Eisítear an mhír éadaí seo d'fhoireann riaracháin lánaimseartha, agus do Sháirsintí i bhFeighil. Caitear thar an léine agus an carbhat oifigiúil é. Nuair a chaitear é caithfidh sé a bheith néata, slachtmhar agus saor ó fhiltíní.

5.2.20 Éide Fhoirmiúil

Tá na míreanna seo a leanas mar chuid den éide fhoirmiúil:

- Caipín Foirmiúil an Gharda Síochána

- Ionar
- Feadóg agus Slabhra
- Cóta mór (Oifigigh)
- Léine
- Carbhat
- Biorán carbhait
- Bríste
- Críos
- Sciorta
- Lámhainní
- Coisbheart
- Láinnéar agus crios Sam Browne (caite ó céim an Chigire agus níos airde)

Déantar tagairt do chaitheamh cuid de na míreanna seo níos luaithe sa chuid Éide Oibríochta - Léine / Carbhat / Biorán carbhait / Críos.

Caithfear an éide fhoirmiúil de réir mar a ordóidh an Coimisinéir, nó ar ócáidí foirmiúla, a shainmhíntear mar seo a leanas:

- Sochraidí chomhaltaí an Gharda Síochána agus sochraidí ar fhreastail Oifigigh orthu ina gcáil oifigiúil
- Paráidí Seirbhíse Diaga
- Paráidí foirmiúla eile
- Gardaí Onóra
- Oifigigh agus Cigirí ag freastal ar an gcúirt, ag bualadh leis an Uachtarán, leis an Taoiseach, leis an Tánaiste, le hAirí Rialtais nó le hAmbasadóirí Eachtracha nó ag freastal ar fheidhmeanna arna n-óstáil ag aon duine de na daoine thuasluaite
- Cibé ócáidí eile a ainmneoidh an Coimisinéir

5.2.21 Caipín Foirmiúil

Mar a dúradh tá an caipín foirmiúil difriúil ón gcaipín oibríochtúil agus níl sé le caitheamh ach leis an éide fhoirmiúil. Déantar tagairt níos luaithe sa doiciméad seo maidir le caipíní a chaitheamh agus na rialacháin a bhaineann leis an gcéanna.

5.2.22 Ionair

Caithfear ionair go néata agus beidh na cnaipí ar fad dúnta. Ba cheart an búcla a cheangal ar aon dul le himeall thaobh tosaigh an tseaicéid. Ba cheart go suíodh an scoilt chúil ar an seaicéad go néata. Caithfear uimhreacha miotail ar an ngualainn. Is féidir ionair a bhaint, a luaithe a bheidh deireadh leis an ócáid fhoirmiúil fad is a bheidh feisteas foriomlán an chomhalta fós ag cloí leis an mBeartas seo.

5.2.23 Feadóg agus Slabhra

Tá dhá rogha ann don fheadóg agus don slabhra:

1. I gcásanna ina gcaitear an t-ionar, beidh an slabhra ceangailte le muineál an dara cnaipe (ar an taobh istigh den fhilleadh), a thugtar suas go hingearach, lúbtha ón taobh dheis timpeall mhúinéal an chnaipe

bairr (taobh istigh den fhilleadh), a ritheann faoin gcuid ingearach den slabhra, trasna go cothrománach lasmuigh den fhilleadh ar chlé, agus cuirtear an fheadóg sa phóca ar chlé. Coigeartófar an chuid ingearach den slabhra ansin chun titim go scaoilte feadh líne an fhillidh ar clé ar an ionar idir an chéad agus an dara cnaipe.

2. I gcásanna ina gcaitear an t-ionar mná, beidh an slabhra ceangailte le muineál an chnaipe ar bun (ar an taobh istigh den fhilleadh) agus cuirtear an fheadóg laistigh den phóca ar chlé.

5.2.24 Bríste

Ní chaitear an bríste foirmiúil ach mar chuid den éide fhoirmiúil.

5.2.25 Sciorta

Tá an t-earra seo ar fáil ar iarratas.

5.2.26 Lámhainní

Níor chóir ach lámhainní oifigiúla déanta de leathar dubh a chaitheamh ag comhaltaí atá faoi éide.

Caithfear lámhainní oifigiúla:

- Ag paráidí sochraide agus Seirbhíse Diaga
- Agus páirt á glacadh i nGarda Onóra
- Seachas sin de réir mar a ordáítear nó nuair is gá

5.2.27 Coisbheart

Ba chóir coisbheart paitinne lásáilte dubh a chaitheamh leis an éide fhoirmiúil.

5.2.28 Láinnéar agus crios Sam Browne (caite ó chéim an Chigire agus níos airde)

Beidh an láinnéar a chaitheamh ag Oifigh agus Cigirí faoi éide ar an ghualainn chlé ar an ionar, ag dul faoi bhun na guailleoige agus an lámh chlé agus déanfar é a tharraingt go docht in áit le fáinní reatha, an dara ceann a bheith ar aon dul leis an bhflapa barr den phóca brollaigh ar an ionar nó an léine.

Caithfidh Oifigh agus Cigirí crios Sam Browne do na hócáidí foirmiúla seo a leanas:

- In áit ina bhfuil Garda Onóra á chur ar fáil cibé an bhfuil nó nach bhfuil an tOifigeach nó an Cigire i gceannas ar an nGarda
- Ag cruinniú oifigiúil leis an Uachtarán, leis an Taoiseach, leis an Tánaiste nó le hAirí Rialtais
- Ag imscrúdú ag an gCoimisinéir
- Nuair a fhreastalaítear ar Chúirt Chuarda nó Ard-Chúirt
- Ag sochraidí Stáit
- Ag paráidí agus ar ócáidí eile de réir mar a stiúran an Coimisinéir nó an tÚinéir Beartais

5.3 Éide agus Trealamh (Cigirí agus Oifigh) Éide Fhoirmiúil

Cuirfear pacáiste caighdeánach éadach agus miotal agus marcálacha céime cuí ar fáil ó Shiopaí Lárnacha an Gharda Síochána chun éide fhoirmiúil a dhéanamh d'Oifigh. Tá caipín Gharda na nOifigeach ar fáil ó Shiopaí Lárnacha an Gharda Síochána freisin.

Tá costas an earra seo ar fáil ach é a iarraidh ó na Stórais. Eiseofar admháil oifigiúil maidir leis na hearraí a cheannaítear ó Shiopaí.

Ba chóir go gcomhlíonfadh an éide an Beartas agus na sonraíochtaí seo mar atá ceadaithe ag Siopaí Lárnacha an Gharda Síochána. Tá éadach agus miotail d'éide agus tomhais agus sonraíochtaí Oifigeach agus Cigirí ar fáil ó Cheannfort, Soláthar agus Lárstórais an Gharda Síochána.

Níor cheart ach táilliúirí údaraithe a úsáid chun Éide fhoirmiúil a dhéanamh d'Oifigh. Tá an liosta táilliúirí seo ar fáil ó Sholáthar/Siopaí. Tá na sonraíochtaí don éide fhoirmiúil curtha ar fáil do gach táilliúir formheasta. D'fhéadfadh na costais a bhaineann leis an éide seo a dhéanamh a bheith éagsúil idir táilliúirí agus is comhaontú príobháideach é seo idir an comhalta agus an táilliúir.

Ba chóir na hiarratais ar liúntas Aonfhoirmeach a phríoiseáil tríd an Rannóg Airgeadais de réir na dtreoracha airgeadais.

5.4 Feathail, Ornáidí nó Boinn a Chaitheamh ar Éide

Boinn údaraithe le caitheamh:

- An Bonn Ghníomh Gaile (Gníomhais Chrógachta)
- Bonn Walter Scott don Chrógacht
- Bonn Iubhaile Órga an Gharda Síochána 1972
- Bonn Fadseirbhíse an Gharda Síochána
- An Bonn Seirbhíse (Bonn Seirbhíse Airm)
- Bonn na Náisiún Aontaithe
- An Bonn Coigríche
- Bonn na Mílaoise
- Bonn Comórtha 1916
- Boinn Eile mar atá údaraithe ag Úinéir an Bheartais

Beidh tosaíocht ag na boinn a luaitear thuas san ord ina luaitear iad. Nuair a chaitear le héide é, áireofar tosaíocht ó dheas go clé an té atá á chaitheamh.

Caithfear boinn ar éide mar seo a leanas:

- Go lárnach thar an bpóca brollaigh ar chlé leis na claspáí díreach os cionn an flapa póca
- Beidh na claspáí ag baint dá chéile agus ar aon dul lena chéile
- Nuair a chaitear nó nuair a ghléastar boinn ar bhróiste, ba chóir go mbeadh siad go léir díreach ar an bhfad céanna a d'fhéadfadh a bheith idir 25 mm agus 50mm nó níos mó
- Más gá, ba cheart ribíní a choigeartú, más féidir, ionas go mbeidh imeall barr na ribíní i líne dhíreach nuair a chaitear grúpa bonn agus gur cheart go mbeadh an chuid is ísle de gach bonn comhthreomhar leis an mbarr freisin

Caithfear boinn nuair a ordaíonn an Coimisinéir é. Níl boinn bheaga ar léiriú beag iad ar an mbonn bronnta ar fáil don chuid is mó de na boinn a luaitear thuas. Má bhíonn boinn bheaga ar fáil, eiseofar treoir.

5.5 Ribíní boinn a Chaitheamh

Nuair nach gcaitear boinn, caithfear ribín boinn cuí. Suífead na ribíní ar stiall miotail, nó bucrann, le hábhar righin eile 3/8-ortalach, nó 10mm agus beidh siad cosúil ar gach slí le ribín an bhoinn bhunaidh. Caithfear ribíní boinn go lárnach thar an bpóca brollaigh ar chlé, díreach os cionn fhlapa an phóca, ag tadhall agus ag teacht agus san ord tosaíochta cuí atá léirithe cheana féin. Nuair a chaitear boinn, ní gcaithfear ribíní boinn.

5.6 Suaitheantais nach Suaitheantais an Gharda a Chaitheamh

Mura n-údaráítear é le beartas oifigiúil nó doiciméad rialachais oifigiúil eile de chuid an Gharda Síochána e.g. An Fáinne óir nó airgid chun críocha na chéad teanga oifigiúla, ansin ní chaithfear suaitheantais eile nach suaitheantais gharda iad ach amháin ar údarú ceadaithe úinéir an bheartais. Ba chóir an t-iarratas seo a dhéanamh trí na gnáthbhealaí.

Caithfear na suaitheantais cheadaithe os cionn phóca brollaigh an ionair. Má chaitear dhá shuaitheantas, caithfear na suaitheantais taobh le taobh.

Ní dhéanfar suaitheantas oifigiúil, cnaipí agus búcla an Gharda ná aon chuid dá dheardh, is cuid d'éide an Gharda Síochána, a athrú ná a mhilleadh ná a úsáid chun críocha eile gan cead ón gCoimisinéir ná ó úinéir an bheartais.

Ní dhéanfar uaireadóirí, slabhraí, áilleagáin nó ornáidí eile, lena n-áirítear pinn luaidhe agus pinn, a chaitheamh in éide ar bhealach a bheidh le feiceáil. Ní chaithfidh comhaltaí ach na hinchomharthaí, na suaitheantais, na cnaipí agus an trealamh sin mar a fhorordaítear leis an mBeartas seo.

5.7 Éide/Trealamh an Gharda a Chaitheamh le haghaidh Imeachtaí Pearsanta

Déanfaidh baill atá ag iarraidh Éide an Gharda Síochána (Foirmiúil nó Oibriúcháin) a chaitheamh le haghaidh imeacht pearsanta e.g. póstaí, iarratas trí na bealaí chuig an Stiúrthóir Feidhmiúcháin, Acmhainní Daonna agus Forbairt Daoine ar chead chun é sin a dhéanamh de réir Threoir 02/2017 ón gCeanncheathrú. Ba cheart do chomhaltaí breac-chuntas a thabhairt ar shonraí na hócáide agus ar an éide atá le caitheamh agus ar an tréimhse ama a gcaithfear é ina n-iarratas.

5.8 Guma Coganta

Tá cosc ar chogadh guma agus substaintí eile dá leithéid, go poiblí.

5.9 Caitheamh Tobac

Tá cosc ar chaitheamh tobac go poiblí le linn do chomhalta a bheith ar dualgas agus/nó faoi éide. Áirítear leis seo vapáil agus/nó úsáid toitíní leictreonacha agus aon ghairesas ionanáilithe neamhleighis eile.

5.10 Éide Speisialtóra agus TCP

Cuirtear sainmhíreanna éide agus TCP ar fáil ar bhonn aonair do chomhaltaí a thugann faoi, a n-éiríonn leo agus a leagtar cúram orthu as dualgas/rannán/aonad speisialta. Is ar bhonn iarratais amháin a eisítear na míreanna seo agus níl siad mar chuid d'eisiúint chaighdeánach na héide oibríochta.

Ní chaithfear aon éide speisialtóra ach amháin i gcúrsa dualgais a bhaineann leis an dualgas áirithe sin ar eisíodh iad ina leith agus níor cheart iad a chaitheamh mar chuid den éide do ghnáthdualgais phóilíneachta. Caithfear gach TCP i gcomhréir le treoirlínte na monaróirí cuí agus/nó le treoirlínte eile.

Ní eiseofar éide speisialtóra ach amháin sna cúinsí a bhfuil cur síos orthu thuas.

5.11 Tóirí

Beidh tóirse eisiúna oifigiúil i seilbh ag comhalta a bheidh ar dualgas. Má chailltear nó má dhéantar damáiste do thóirse, tuairisceoidh an comhalta lena mbaineann na cúinsí de réir Beartais.

5.12 Feisteas do Phearsanra i nGnáthéadaí

5.12.1 Comhalta i an Gharda Síochána - Gnáthéadaí

Beidh comhaltaí atá fostaithe ar dhualgais gnáthéadaí néata le cuma mhaith orthu ag gach ócáid agus beidh feidhm ag an gcaighdeán feistis seo a leanas:

- Is féidir le comhaltaí rogha a dhéanamh idir na nithe seo a leanas: Léine agus carbhat, culaith nó seaicéad agus bríste, blús/barr, seaicéad le sciorta /bríste, culaith nó gúna
- Coisbheart: Bróga nó buataisí — néata, glan agus déanfar iad a chothabháil mar is ceart
- Ní cheadaítear éadaí deinime agus bróga reatha a chaitheamh. Ní mór don Oifigeach Ceantair/Ceannfort ábhartha aon imeacht ó na treoracha seo a cheadú i leith comhaltaí atá fostaithe in aonaid speisialtóra nó i rannóga eile dá leithéid. Cinnteoidh céimeanna maoirseachta, agus go háirithe na Ceannfoirt thuasluaite, go gcomhlíonfar go docht na treoracha seo agus go háirithe nuair a bheidh comhaltaí ag freastal ar na Cúirteanna Dúiche agus Ard-Chúirteanna éagsúla. Más rud é, ar chúis éigin, go meastar gur gá do chomhalta atá fostaithe i ngnáthéadaí imeacht ó na caighdeáin sin, ní mór cead a fháil ó Cheannfort an chomhalta don imeacht sin.
- Beidh féasóga a chaitheann comhaltaí i ngnáthéadaí i gcomhréir le hAlt 5.20.3.
- Cheadaítear do Ghardaí i ngnáthéadaí turban agus hijab a chaitheamh. Ní gá suaitheantas an Gharda Síochána a thaispeáint.

5.12.2 Caipíní Oifigiúla Daorchluiche an Gharda Síochána

In Aonaid Speisialtóra ina bhfuil Caipíní Oifigiúla Daorchluiche an Gharda Síochána ina saincheist phearsanta, beidh feidhm ag an méid seo a leanas:

- Caithfear Caipín Oifigiúil Daorchluiche an Gharda Síochána nuair a stiúrfaidh maoirseoirí áitiúla é agus iad ar dhualgais shonracha
- Déanfaidh oifigh atá i gceannas ar aonaid ina bhfuil Caipíní Oifigiúla Daorchluiche an Gharda Síochána ar eisiúint cigireacht ar Chaipíní Oifigiúla Daorchluiche an Gharda Síochána lena chinntiú go dtugtar cuntas orthu
- Níl Caipín Oifigiúil Daorchluiche an Gharda Síochána deartha chun na modhanna rialaithe aitheantais atá ann cheana a shárú

- Caithfidh comhaltaí d'Aonad an Oird Phoiblí le linn dóibh a bheith ar dualgas agus faoin éide oifigiúil oird phoiblí Caipín Oifigiúil Daorchluiche an Gharda Síochána i gcónaí nuair nach bhfuil an clogad oifigiúil á chaitheamh

5.12.3 Seaicéid Ruathair an Gharda

Is míreanna TCP iad seaicéidí ruathair atá deartha chun comhaltaí i ngnáthéadaí an Gharda Síochána a aithint. Eiseofar iad chuig:

- Gach pearsanra atá fostaithe i ndualgas oibriúcháin lánaimseartha i ngnáthéadaí
- Gach comhalta faoi éide, arna n-imscaradh ar dhualgais gnáthéadaí, ar sealbhóirí cártaí údaráithe arm tine iad

Níl úsáid seaicéid ruathair an Gharda Síochána deartha chun na modhanna rialaithe aitheantais atá ann cheana a shárú ach is cúnamh iad don aitheantas sin. Beidh seaicéid ruathair san fheithicil ag pearsanra i ngnáthéadaí, a imlonnaítear ar dhualgas oibríochta soghluaiste. Ní gá do chomhaltaí seaicéid ruathair an Gharda Síochána a chaitheamh i gcónaí ach beidh siad ar fáil le húsáid más gá.

Caithfidh pearsanra i ngnáthéadaí na seaicéidí ruathair sna cásanna seo a leanas:

- Agus iad i mbun seicphointí
- Agus cuardaigh phleanáilte a ndéanamh
- Freastal ar láithreacha coireachta móra
- Freastal ar theagmhais/ócáidí ina bhfuil cúis ann lena chreidiúint go n-úsáidfear airm thine nó airm chontúirteacha eile a d'fhéadfadh gortú a dhéanamh
- Athraíonn céim rúnda oibríochta armtha go céim oscailte shoiléir
- Freastal ar chúrsaí oiliúna in úsáid arm tine
- Léirigh measúnú riosca maoirseora de chuid an Gharda Síochána go bhfuil gá leis

Faoi láthair, níl feidhm ag na forálacha díreach thuas sna cásanna seo a leanas:

- Chuirfeadh caitheamh an seaicéid ruathair isteach ar shábháilteacht Phearsanra an Gharda Síochána nó duine den phobal, nó
- Tá measúnú riosca déanta ag an gCeannfort ábhartha agus chinn sé nó sí nach bhfuil úsáid seaicéad ruathair oiriúnach (e.g. oibríochtaí faireachais agus faoi cheilt)

Áireoidh oifigigh agus maoirseoirí ina measúnú riosca le haghaidh oibríochtaí/cuardaigh atá beartaithe sonraí maidir le cén TCP a chaithear. Ní chaithear ach seaicéid ruathair oifigiúla amháin. Ní chaithear leagan oiriúnaithe nó éagsúil den chéanna ar dualgas.

De réir Alt 13(g) den Acht um Shábháilteacht, Sláinte agus Leas ag an Obair, 2005, bainfidh maoirseoirí agus fostaithe úsáid cheart as aon alt nó substaint a sholáthraítear lena úsáid ag an bhfostaí ag an obair nó chun a sábháilteacht, a sláinte nó a leas ag an obair a chosaint, lena n-áirítear TCP. Ba cheart cúram agus cothabháil seaicéad ruathair a dhéanamh i gcomhréir le treoracha an mhonaróra.

5.12.4 Tabaird Ard-Infheictheachta

Tá Tabaird Ard-Infheictheachta ar a bhfuil an focal "Garda" ar fáil le húsáid ag comhaltaí armáilte i ngnáthéadaí chun críocha aitheantais agus iad ag cabhrú le comhaltaí faoi éide a dhéanann seicphointí nó de réir mar a chinneann

a maoirseoir. Is eisiúint phearsanta iad tabaird do gach comhalta atá fostaithe i ngnáthéadaí. Beidh tabaird á n-iompar ag cibé comhaltaí a bheidh ar dualgas i bhfeithiclí i gcónaí.

Caithfear tabaird ar na hócáidí seo a leanas:

- Nuair atá na comhaltaí sin i mbun dualgas seicphointe
- Nuair a ordaítear dóibh ag maoirseoirí áitiúla in oibríochtaí sonracha

Déanfaidh an Ceannfort ábhartha atá i gceannas ar aonaid speisialta cigireacht ar thabaird tráth cigireachta agus cinnteoidh sé nó sí go dtugtar cuntas orthu.

5.12.5 Foireann Riaracháin - Feisteas ar Dualgas

Beidh feisteas ar chomhaltaí an Gharda Síochána atá fostaithe ar dhualgais lánaimseartha riaracháin nó chléireachais in oifigí Rannáin/Ceantair, i moil fheidhmiúla nó i gCeanncheathrú an Gharda Síochána agus iad ar dualgas. Ní chuireann sé seo cosc ar chinneadh an Cheannfoirt ábhartha a maolú a úsáid agus cead a thabhairt gnáthéadaí a chaitheamh in ionad éide ar choinníoll go bhfuil siad sásta go bhfuil gá leis an tseirbhís a shocraíonn amhlaidh - ach amháin nuair a bhíonn siad ar pharáidí nó nuair a bhíonn siad ag gabháil do dhualgas lasmuigh. Tá aon mhaolú den sórt sin faoi réir fiosrú comhlíontachta ag Úinéir an Pholasaí ag am ar bith agus ní mór údar a bheith leis.

5.12.6 Foireann an Gharda Síochána

Déanfaidh foireann uile an Gharda Síochána sa Gharda Síochána, de réir Chód Caighdeán agus Iompair na Státseirbhíse:

- A chinntiú go bhfuil a gcaighdeán feistis oiriúnach dá dtimpeallacht oibre
- Aird agus meas cuí ar an bpobal, ar a gcomhghleacaithe agus ar an oifig atá acu a léiriú

Forbraíodh an cód feistis seo chun treoir a thabhairt don fhoireann maidir leis na cineálacha éadaí atá oiriúnach/míchuí. Féadfaidh Maoirseoirí eisceachtaí a dhéanamh don Chód Feistis seo ar bhonn aonair, agus/nó i gcásanna ina bhfuil fíorchúiseanna leighis ann.

Ceadaítear do Ghardaí turban agus hijab a chaitheamh. Ní gá d'fhoireann an Gharda Síochána Suaitheantas an Gharda Síochána a thaispeáint ar cheannbheart. (Féach **AGUISÍN E** le haghaidh liosta d'fheistis chuí agus míchuí d'fhoireann an Gharda Síochána.)

Uaireanta d'fhéadfadh sé go mbeadh ar chohórt d'fhoireann ábhartha an Gharda Síochána (nó do phearsanra de réir mar a bheidh) leibhéal éide a chaitheamh a oireann dá bpost. Beidh iarratas déanta ag na comhaltaí foirne sin (nó pearsanra) ar réimsí/rannóga den sórt sin, nó ar shlí bheadh siad tar éis rogha a dhéanamh oibriú iontu. Ní chaithfear ach éide a eisíonn eagraíocht an Gharda Síochána sna réimsí/rannóga seo. Beidh príomhphrionsabail na gairmiúlachta agus na freagrachta pearsanta sa bheartas seo i bhfeidhm anseo freisin agus déanfaidh maoirseoirí agus bainisteoirí ábhartha maoirseacht air seo. Ba chóir comhairle a lorg ó Úinéir an Pholasaí i gcásanna ina meastar go bhfuil gá leis.

5.13 Feisteas do Thiománaithe Gluaisrothar

Caithfidh gluaisrothaithe clogaid lán-aghaidhe i gcónaí agus iad ag tiomáint a ngluaisrothair agus iad ar dualgas. Agus iad ag tuirlingt den ghluaisrothar, ba chóir dóibh caipín bog a chaitheamh, a iompraítear ina bpainnéar, agus iad ag caint nó ag déileáil leis an bpobal ar bhonn aghaidh ar aghaidh. Caithfear éide chosanta a eisítear nuair a bheidh comhalta ar dualgas. Nuair a bheidh Aonaid Ghluaisrothair ar dualgas ag aon ócáid searmanais, caithfidh siad, ar threoir ón gCoimisinéir, feistis.

5.13.1 Spéaclaí Gréine Imire a eisiúint le húsáid ag Gluaisrothaithe Oifigiúla an Gharda Síochána

Eisítear earraí súl sábháilteachta imire do ghluaisrothaithe oifigiúla an Gharda Síochána faoi réir na gcoinníollacha seo a leanas:

- Ní fhéadfaidh gluaisrothaithe ach earraí súl atá ceadaithe go hoifigiúil a chaitheamh
- Ní chaitear an t-earra súl agus iad ag déileáil le daoine den phobal aghaidh ar aghaidh
- Bainfear an t-earra súl sula dtéitear isteach in aon fhoirgneamh
- Rachaidh comhaltaí a bhfuil dualgas orthu earra súl ar oideas a chaitheamh i gcomhairle lena radharceolaí sula gcaitheann siad an t-earra súl oifigiúil
- Ba chóir d'aon chomhalta a mbíonn aon deacracht acu an t-earra súl a chaitheamh é a bhaint láithreach agus an t-ábhar a thuairisciú go pras dá maoirseoir
- Níl an t-earra súl oiriúnach le húsáid san oíche nó sa chlapsholas
- Ba chóir lionsaí a ghlanadh go rialta — ná glan riamh nuair a bhíonn siad tirim, bain úsáid as uisce i gcónaí
- Ba chóir lionsa scríobtha a athsholáthar agus a dhiúscairt go sábháilte

5.14 Feisteas do na hAonaid Rothar Sléibhe de chuid an Gharda

Eisítear an méid seo a leanas do gach rothaí ar rothar sléibhe oifigiúil:

- Clogad Rothaíochta
- Spéaclaí Rothaíochta Cosanta
- Culaith Báistí Rothar Sléibhe
- Léinte Póló
- Fo-T-léinte
- Brístí gearra Rothaíochta
- Bróga Rothaíochta
- Lámhainní Gan Mhéara & Lámhainní Geimhridh

Ní chaithfidh rothaithe rothar sléibhe oifigiúil **ach** míreanna éide eisithe agus iad i mbun dualgais rothar sléibhe. Tabharfar aire do gach mír éide agus trealamh a sholáthraítear do rothaithe oilte. Ar an gcaoi chéanna, ní chaithfear ach clogaid rothair cheadaithe le linn dóibh a bheith ag gabháil do dhualgais rothar sléibhe. Aon uair a bhíonn rothaí páirteach in eachtra imbhuailte, fiú mura bhfuil aon damáiste dealraitheach ann don chlogad, seolfar an clogad ar ais chuig siopaí le hiarratas ar athsholáthar.

5.15 Feisteas don Chúirt

Beidh cuma fhoirfe ar chomhaltaí nuair a fhreastalaíonn siad ar chúirt. Beidh léinte fada muinchille á gcaitheamh ag comhaltaí faoi éide agus iad ag freastal ar chúirt. Ní chaithfidh comhaltaí faoi éide seaicéid ard-infheictheachta, seaicéid phatróil ná lomraí sa chúirt. Ní chaithfear caipín ná lámhainní an Gharda Síochána sa chúirt ach an oiread.

Agus iad ag freastal ar chúirteanna níos airde (an Chúirt Chuarda agus os a chionn), féadfaidh comhaltaí a bhfeistis fhoirmiúla a chaitheamh. Déanfaidh Oifigigh agus Cigirí a fhreastalaíonn ar an gcúirt é sin faoi éide fhoirmiúil iomlán a oireann dá gcéim agus don chúirt ábhartha. Ní thiocfaidh comhaltaí os comhair na cúirte agus iad gléasta i bhfeisteas den pháirt amháin agus éide shibhialtach den pháirt eile in imthosca ar bith.

5.16 Feisteas nuair a Fhrestalaítear ar Agallamh

Ba chóir do chomhaltaí agus iad ag freastal ar agallamh gléasadh dá réir i gcomhréir leis na treoracha a eisítear a bhaineann go sonrach leis an agallamh sin.

5.17 Baint/Caitheamh na hÉide lasmuigh den Stát

Aon uair is gá d'aon chomhalta den Gharda Síochána taisteal faoi éide lasmuigh den Stát nó aon earraí éide a bhaint lasmuigh den Stát, nó an éide sin a chaitheamh lasmuigh den Stát, lorgófar smachtbhanna roimh ré ar dtús ón gCoimisinéir Cúnta, Seirbhís Náisiúnta faisnéise Coireachta agus Slándála an Gharda Síochána. Déanfar é sin i gcomhar le Treoir 127/2011 ón gCeannteathrú. Níor cheart, in imthosca ar bith, míreanna éide a bhaint ná a chaitheamh lasmuigh den Stát mura mbeidh an ceadú sin deonaithe. Déanfar iarratais ar bhonn Rannáin le moltaí daingne maidir le gach iarratas (nó iarratas baisce) ón Oifigeach Roinne ábhartha.

5.18 Feisteas Oifigiúil an Gharda a Chaitheamh ag Comhaltaí ag Iompar Clainne

Caithfidh comhaltaí torracha den Gharda Síochána atá fostaithe ar dhualgais faoi éide a n-éide oifigiúil go dtí go mbeidh sé neamhphraiticiúil agus míchompordach é sin a dhéanamh. Féadfaidh siad gnáthéadaí a chaitheamh tar éis iarratas a dhéanamh agus aon údarú ina dhiaidh sin ón Oifigeach Rannáin/Ardcheannfort ábhartha.

5.19 Féiniúlacht Inscne agus Éide

Féadfaidh aon chomhalta pearsanra atá ag aistriú nó atá faoi fhéiniúlacht inscne lasmuigh den dénárthán, plé a dhéanamh lena maoirseoir, faoi rún, ar an gcaitheamh oibre cuí is fearr a oireann dá riachtanais, nuair is indéanta agus is gá. Sna cúinsí seo, ní mór don mhaoirseoir comhairle agus treoir a fháil ón Oifig um Chomhionannas, Éagsúlacht agus Cuimsiú i gCeannteathrú an Gharda Síochána a dhéanfaidh idirchaidreamh le hÚinéir an Bheartais maidir le haon cheist den sórt sin. Cuirfidh Oifig Comhionannais, Éagsúlachta agus Cuimsithe an Gharda Síochána an tOifigeach Rannáin/Ard-Cheannfort nó an Príomhoifigeach ábhartha ar an eolas ansin, faoi rún, faoin gcomhairle seo. Déanfaidh an tOifigeach Rannáin/an tArd-Cheannfort nó an Príomhoifigeach cinneadh ansin maidir leis an éide oibre cuí bunaithe ar an gcomhairle agus ar an treoir seo, agus rachaidh sé/sí i dteagmháil leis an gcomhalta pearsanra más mian leo. Cuirfidh siad an maoirseoir agus an comhalta den phearsanra lena mbaineann ar an eolas ansin faoin éide oibre atá le caitheamh.

5.20 Cóiriú

5.20.1 Gruaig - Mná

Caithfidh comhaltaí a gcuid gruaige a chaitheamh os cionn an chába. Féadfar gruaig a bharradh nó a cheangal ar an gcúl agus a choimeád dlúth ar an gceann chun an Beartas seo a chomhlíonadh. Ní cheadaítear maisiúcháin, seachas iad siúd a leagtar amach san Bheartas seo, ach amháin má tá siad faoi réir measúnú riosca iomchuí arna dhéanamh ag Aonad Sláinte agus Sábháilteachta an Gharda Síochána i ndáil leis an ról sonrach a thugtar faoi.

Ní dhéanfar gruaig a dhathú le dathanna mínádúrtha feiceálacha agus ní dhéanfar gruaig a dhathú ach le dath amháin, gan gealáin mheasartha a áireamh. I ngach cás, ní chuirfidh méid ná fad na gruaige isteach ar ghnáth-chaitheamh chaipín an fheistis agus déanfar í a cheangal go néata agus a shuí faoin gcaipín faoin gcaipín é gan aon chocán ná pónaí le feiceáil.

Agus iad faoi éide, déanfaidh comhaltaí mná a bhfuil stíl fhada ghruaige orthu, a gcuid gruaige a cheangal ar bhealach a chinntíonn go bhfuil sé ceangailte go slán agus go cuí os cionn an chába. Maidir le comhalta ar a bhfuil gruaig níos faide, agus í ag comhlíonadh dualgais gan chaipín orthu (i.e. má tá sé nó sí ceaptha le haghaidh dualgais san oifig phoiblí nó ag freastal ar an gcúirt etc.), beidh a cuid gruaige cóirithe go néata agus caite sa chaoi is nach dtitfidh sí thar a cluasa ná a malaí, nó go síneoidh sé faoi bhun a cába. Cheadaítear gabhálaí gruaige discrídeacha a bhfuil gnáth-dhath orthu a úsáid chun é seo a bhaint amach. Ní chaithfear gabhálaí gruaige ar a bhfuil dathanna ilchasta. Beidh gabhálaí gruaige neamhshonraíocha ag teacht le dath agus ton an fheistis.

5.20.2 Gruaig - Fir

Beidh gruaig ghearr, slachtmhar agus os cionn an chába ar chomhaltaí. Beidh an ghruaig cóirithe go néata agus ní bheidh sí rófhada. Beidh cuma bharrchaolaithe ar an gruaig agus, nuair a chíortar í, ní thitfidh sí thar na cluasa nó na malaí ná ní dhéanfaidh sí teagmháil leis an gcába ach amháin an ghruaig atá gearrtha go dlúth ar chúl an mhuiníl.

Más mian le comhalta féasóg leicinn a chaitheamh, beidh sí bearrtha go néata. Ní shínfidh féasóga leicinn síos níos faide ná an chuid is ísle den oscailt cluaise taobh amuigh. Ní cheadaítear patrúin ná móitífeanna a bheith sa ghruaig. Cheadaítear sraitheanna a bheith sa ghruaig go measartha ach ní cheadaítear líne roinnte ghéar idir codanna gearra agus fada na gruaige.

5.20.3 Gruaig Aghaidhe

Ní mór féasóga agus croiméil a bheith bearrtha go néata agus slachtmhar i gcónaí. Cé is moite d'fhéasóga agus croiméil sheanbhunaithe atá idir 0.5 cm agus 2 cm ar fhad, ní mór cuma ghlan bhearrtha a choinneáil agus comhalta ar dualgas. Ní mór do chomhaltaí a gcuid féasóg agus croiméal a fhás le linn saoire bhliantúil nó laethanta scíthe lena chinntiú nach bhfuil cuma neamhghairmiúil orthu agus iad ar dualgas le linn chéim an fháis tosaigh. Ní ghlacfar le cuma neamhbhearrtha / bruth féasóige. Ní shínfidh aon chuid de chroiméal níos faide ná cúinní an bhéil nó ní thitfidh sé faoi líne atá comhthreomhar le bun an liopa íochtair. Níor chóir féasóga ná croiméil a dhathú i ndathanna mí-nádúrtha feiceálacha. Ba chóir a thabhairt faoi deara go gcaithfidh an cárta aitheantais a bheith ina chosúlacht fhíor agus reatha leis an gcomhalta lena mbaineann sé.

5.20.4 Seodra

Nuair a bhíonn comhaltaí ar dualgas, féadfaidh siad fáinne bainise nó fáinne comharthaíochta a chaitheamh. Ní chaithfear fáinní le clocha nó suíomhanna feiceálacha ar dualgas mar gheall ar bhaol díobhála. Níor chóir bráisléid timpeall na láimhe nó na rúitíní agus na muincí a chaitheamh agus comhaltaí i mbun oibre. Féadfar eisceachtaí a dhéanamh faoi réir an mheasúnaithe riosca chuí a dhéanfaidh Aonad Sláinte agus Sábháilteachta an Gharda Síochána.

Féadfaidh comhaltaí mná sraith fáinne cluaise amháin de chineál stoda a chaitheamh, ach ní cheadaítear aon seodra aghaidhe eile. Ní chaithfidh aon chomhalta aon mhír seodra tríd an srón, na malaí, na liopaí, an teanga nó aon chuid infheicthe eile den chorp agus é nó í ar dualgas. Is féidir eisceachtaí a dhéanamh maidir le sainoibríochtaí, le húdarú ón Oifigeach Rannáin/Ard-Cheannfort.

5.20.5 Smideadh, Ingne agus Ealaín Cholainne (Tatúnna)

Féadfar smideadh a chaitheamh ach ní ceadmhach dó a bheith iomarcach in imthosca ar bith. Coinneofar na lámha glan. Coinneofar ingne ar fhad nach gcuirfidh isteach ar dhualgais, agus ní cheadaítear vearnais ingne daite a chaitheamh. Ní cheadaítear do chomhaltaí ingne bréagacha a chaitheamh agus iad faoi éide. Ní cheadaítear Ealaín Cholainne (Tatúnna) ar an duine, nó le feiceáil os cionn an

chába. Beidh gach tatú eile clúdaithe i gcónaí agus comhaltaí ar dualgas, cibé acu i bhfeisteas nó i ngnáthéadaí.

5.20.6 Sláinteachas Pearsanta

Ní mór do Phearsanra uile an Gharda Síochána a bheith glan agus ardleibhéal sláinteachais phearsanta a choinneáil. Ba cheart go mbeadh caighdeán an tsláinteachais phearsanta oiriúnach chun oibriú i dtimpeallacht dhlúth le daoine eile agus aird chuí á tabhairt ar Phearsanra eile an Gharda Síochána agus ar bhaill den phobal araon. Ba cheart aon mhaoirseoir ar mian leis plé a dhéanamh faoi shláinteachas pearsanta le haon chomhalta pearsanra atá faoina maoirseacht é sin a dhéanamh go príobháideach agus le hígogaireacht ar leith mar go bhféadfadh cúinsí a bheith ann amhail riochtaí sláinte.

5.20.7 Spéaclaí a Chaitheamh ar Dualgas

Féadfaidh comhaltaí den Gharda Síochána spéaclaí a chaitheamh ar dualgas, ar choinníoll go mbeidh siad forordaithe ó thaobh leighis de. Níor chóir do Ghluaisrothaithe an Gharda Síochána lionsaí tadhaill a chaitheamh mura gcaitear gloiní cosanta. Má theastaíonn spéaclaí ó ghluaisrothaithe nó ó thiománaithe feithiclí oifigiúla eile, níor cheart ach lionsaí diana plaisteacha a úsáid. Ba cheart do chomhaltaí a bhfuil gá acu le ceartú amhairc, ar mhaithe leo féin, lionsaí spéaclaí diana plaisteacha a chaitheamh seachas lionsaí spéaclaí gloine. Ba chóir do chomhaltaí a bheith ar an eolas go bhféadfadh siad a bheith ar seachrán óna gcúraimí agus iad ag iarraidh a gcuid spéaclaí a chosaint agus iad páirteach i gcásanna achrannacha (e.g. gabhálacha a dhéanamh), agus ba cheart dóibh, dá bhrí sin, ar mhaithe leo féin, spéaclaí a úsáid le taobhanna cuacha.

5.20.8 Spéaclaí Gréine a Chaitheamh ar Dualgas

Ní fhéadfaidh comhaltaí spéaclaí gréine a chaitheamh ach amháin ar a bpriacal féin agus sa chás gur eisiúint oifigiúil iad **amháin** agus má chaitear iad don dualgas dá n-eisítear iad nó má fhorordaítear iad ó thaobh sláinte de. Ba cheart do chomhaltaí a bhfuil sé de dhualgas orthu spéaclaí gréine a chaitheamh ar oideas leighis a chinntiú go bhfuil siad ar chaighdeán maith agus nach bhfuil siad ina gcúis le saobhadh amhairc. Sa chás go gcaitheann comhaltaí a thiomáineann feithiclí oifigiúla spéaclaí gréine den sórt sin, ní mór iad a bhaint agus feithiclí á bhfágáil nó ag plé le daoine den phobal. Ní chaitear an spéaclaí gréine agus iad ag déileáil le daoine den phobal aghaidh ar aghaidh. Ní cheadaítear spéaclaí gréine ar a bhfuil 'Lionsaí Crómatacha Scáthánaithe nó Grianghraf', lionsaí 'Timfhillteacha' agus 'Lionsa Beag' a chaitheamh ag comhalta ar bith ar dualgas. Caithfidh gnáth-dhath agus gnáth-dhearadh caighdeánach a bheith i bhfrámaí spéaclaí gréine.

5.21 Míreanna Éide a Eisiúint agus a Athsholáthar chuig Comhaltaí an Gharda Síochána

Is féidir gach iarratas ar mhíreanna athsholáthair éide a dhéanamh tríd an gcóras ordaithe feistis ar líne, atá inrochtana trí Thairseach an Gharda Síochána tríd an gClib Soláthair. Tá 'Treoir mhearthosaithe' ar fáil ar an suíomh seo chun cabhrú leis an gcomhalta orduithe a chur le haghaidh earraí feistis.

I gcás earraí nach bhfuil liostaithe sa chatalóg don chóras ordaithe feistis ar líne, beidh feidhm ag an bpróiseas seo a leanas. Cuirfidh ball tuarascáil ar aghaidh trí Oifig an Cheannfoirt ábhartha, don earra/do na hearraí athsholáthair trealaimh ina leagtar amach cúinsí an chailleanais nó an damáiste. Áireofar i dtuarascálacha den sórt sin uimhir aitheantais Pulse, nuair is cuí.

5.22 Diúscairt Éide

Déantar éide a dhiúscairt i Stórais Lárnacha an Gharda Síochána. Ba chóir d'Oifigí Ceantair a chinntiú go bhfuil nósanna imeachta cuí i bhfeidhm go háitiúil lena chinntiú nach seoltar ach na míreanna éide Garda cuí le haghaidh stialladh.

Ba chóir gach éide thruaillithe atá á tabhairt ar ais chuig na Stórais le hiad a dhiúscairt a phacáil i málaí atá lipéadaithe go soiléir mar 'Dhramhaíl Ghuaiseach'.

Tá sé de fhreagracht ar an gcomhalta a chinntiú go ndéantar sean-mhíreanna éide a dhiúscairt i gceart.

5.23 Éide a eisiúint do Ghardaí Mac Léinn/Promhaidh

Eisítear míreanna feistis/trealamh do Ghardaí Mac Léinn/Promhaidh le linn céimeanna éagsúla dá n-oiliúint i gColáiste an Gharda Síochána, de réir mar is cuí. Ba chóir na míreanna éide seo a chaitheamh de réir na bprionsabal atá leagtha amach sa doiciméad seo agus de réir threoir an Stiúrthóra Oiliúna i gColáiste an Gharda Síochána.

5.24 Cártaí Aitheantais

Beidh a gcárta aitheantais ina seilbh ag gach comhalta i gcónaí cibé acu ar dualgas nó as dualgas. Déanfaidh céimeanna maoirseachta cigireacht rialta ar chártaí aitheantais na gcomhaltaí. Tabharfaidh comhaltaí a gcártaí aitheantais ar láimh nuair a éilíonn comhalta de chéim níos airde amhlaidh chun críche iniúchta.

Nochtfaidh comhaltaí atá ar dualgas i ngnáthéadaí a gcéannacht agus tabharfaidh siad a gcárta aitheantais ar aird d'aon duine a mbeidh tionchar díreach ag an dualgas atá á dhéanamh air nó a bhfuil baint chuí aige leis. Déanfaidh comhaltaí atá ar dualgas in éide a gcárta aitheantais a thabhairt ar aird nuair a iarrfaidh aon duine a bhfuil tionchar díreach ag an dualgas atá á dhéanamh air nó a bhfuil baint chuí aige leis.

Níor cheart cárta aitheantais a thabhairt ar láimh, ach ba cheart é a choinneáil amach i riocht ionas gur féidir é a fheiceáil agus a léamh go héasca. Níor cheart cártaí aitheantais a úsáid ná a thabhairt ar láimh chun críche fótachóipeála, scanadh nó cóipeála de chineál ar bith eile chun aitheantas a dheimhniú nó eile. Nuair a iarrfar sin orthu agus nuair a cheadaíonn cineál an dualgais é, déanfaidh comhaltaí ar dualgas atá faoi éide nó ngnáthéadaí a n-ainm, a gcéim agus a Stáisiún a sholáthar i ngach cás réasúnach do dhuine den phobal a bhfuil tionchar díreach ag an dualgas atá á ghabháil de láimh nó a bhfuil baint chuí aige leis.

Ar ardú céime nó ar laghdú ar chéim eiseofar cárta aitheantais nua agus scriosfaidh Acmhainní Daonna agus Forbairt Daoine (HRPD) an cárta bunaidh. Tá toirmeasc ar chárta aitheantais a úsáid chun críoch ar bith seachas críocha oifigiúla agus féadfaidh sé gurb ionann é agus mí-úsáid údaráis nó cumhachta agus féadfar déileáil léi mar mhí-úsáid údaráis nó cumhachta. (Féach Treoir 15/2021 ón gCeannteathrú) Tabharfaidh Comhaltaí an-aire dá gcártaí aitheantais. Ba cheart na himpleachtaí slándála a d'fhéadfadh teacht as cárta aitheantais a chailleadh, agus an fhéidearthacht ann go bhféadfaidh daoine a bhfuil claonadh coiriúil nó treascrach acu é a úsáid, a chur san áireamh i gcónaí. Tuairisceoidh na comhaltaí láithreach do na maoirseoirí láithreacha go bhfuil a gcártaí aitheantais cailte acu. Déanfaidh na maoirseoirí an t-ábhar a fhiosrú d'fhonn na himthosca beachta a bhaineann leis an gcaillteanas a shuíomh. Caithfidh an cárta aitheantais a bheith ina chosúlacht fhíor agus reatha leis an gcomhalta lena mbaineann sé.

Is féidir le foireann an Gharda Síochána, i gcomhréir le Treoir 45/2015 ón gCeannteathrú, iarratas a dhéanamh ar chárta aitheantais ach ní riachtanas éigeantach é seo.

5.25 Gléasanna Pearsanta Soghluaiste

Cé is moite de chásanna éigeandála ní cheadaítear do Phearsanra an Gharda Síochána a bhfóin phóca phearsanta a úsáid ar chúiseanna pearsanta i bhfianaise an phobail.

6 Comhlíonadh

Tá comhlíonadh an Bheartais seo agus na doiciméid ghaolmhara a ghabhann leis éigeantach do gach comhalta den Gharda Síochána agus d'Fhoireann an Gharda Síochána.

7 Doiciméid Ghaolmhara

- An tAcht fá Choimisiún na hÉireann um Chearta an Duine agus Comhionannas, 2014 (Alt 42)
- Straitéis Éagsúlachta agus Lánpháirtíochta an Gharda Síochána 2019-2021
- Cód Caighdeán agus Iompair na Státseirbhíse
- Treoir 37/2019 ón gCeanncheathrú - Samhail Chinnteoireachta an Gharda Síochána (GDMM)
- Treoir 02/2017 ón gCeanncheathrú - Éide/Trealamh a Chaitheamh ag imeachtaí pearsanta
- Treoir 45/2015 ón gCeanncheathrú - Cártaí Aitheantais d'Fhoireann Shibhialtach sa Gharda Síochána
- Treoir 127/2011 ón gCeanncheathrú – Míreanna d'Éide/Trealamh an Gharda Síochána a Bhaint ón Stát
- Treoir 170/2004 ón gCeanncheathrú – Caitheamh Éide ag comhaltaí den Gharda Síochána atá le feiceáil sna Meáin
- Treoir 93/2004 ón gCeanncheathrú - Caighdeán Feistis – Caipín feistis a Chaitheamh
- Treoir 197/2001 ón gCeanncheathrú – Feisteas agus tú ag dul ar Dualgas
- Treoir 48/2001 ón gCeanncheathrú - Caitheamh Éide Oifigiúil ag comhaltaí torracha
- Fógra Sábháilteachta an Gharda Síochána SN01.2019 - 'Seaicéid Ard-Infheictheachta a Chaitheamh'

7.1. An Beartas reatha agus doiciméad gaolmhar a chealú agus a athsholáthar

- Cód an Gharda Síochána, Imleabhar 1, Caibidil 7 Feisteas, Éide agus Trealamh
- Treoir 114/2009 ón gCeanncheathrú - Cód Feistis do Ghardaí agus d'Fhoireann Shibhialtach

8 Scagthástáil ó thaobh an Dlí & Cearta Daonna de

Rinneadh scagthástáil ó thaobh an Dlí agus Cearta Daonna ar an doiciméad seo i dtéarmaí na n-oibleagáidí faoi seach a cuireadh ar an nGarda Síochána don réimse ábhair lena mbaineann.

9 Caighdeáin Eiticiúla & Gealltanais

Ní mór do gach duine atá ag obair sa Gharda Síochána cloí leis na caighdeáin agus na gealltanais atá leagtha amach sa Chód Eitice don Gharda Síochána agus seasamh leis an gCód seo agus é a chur chun cinn ar fud na heagraíochta.

10 Athbhreithniú ar Bheartas & Nós Imeachta

Déanfar athbhreithniú ar an doiciméad seo agus ar an mBeartas gaolmhar 12 mhí óna dháta éifeachta agus gach trí bliana ina dhiaidh sin nó de réir mar is cuí.

11 Séanadh

Ní bheartaítear gur comhairle dlí atá doiciméad seo, ná ní hionann é agus comhairle dlí a mbeifear ag brath uirthi maidir leis an ábhar atá anseo. Níor cheart an doiciméad seo a úsáid in ionad comhairle dlí ghairmiúil.

12 Aiseolas ar Dhoiciméad Beartais & Nós Imeachta

Coinníonn an tAonad Comhordaithe Beartais agus Rialachais Loga Saincheisteanna Beartais. Sa chás go bhfuil saincheisteanna féideartha ann maidir le cur i bhfeidhm na Nósanna Imeachta atá leagtha amach sa doiciméad seo, seol achoimre ar an gcéanna tríd an Oifig Rannáin ábhartha chuig bosca poist na Rannóige policy.governance@garda.ie. Déanfar aighneachtaí rannáin a thaifeadadh sa Loga Saincheisteanna Beartais agus cuirfear ar aghaidh chuig Úinéir an Pholasaí iad le haghaidh cibé gníomh a mheastar a bheith riachtanach.

(Tabhair do d'aire, le do thoil, i gcás ina dtiocfadh saincheist phráinneach chun cinn maidir le cur chun feidhme an nós imeachta seo agus na ndoiciméad beartas a ghabhann leis, ba cheart a chur in iúl go soiléir go bhfuil sé práinneach / tábhachtach agus ba cheart í a thuairisciú go díreach do Mhaoirseoirí/Bainisteoirí Céadlíne lena chinntiú go dtugtar aghaidh air).

13 Aguisíní

- Aguisín A - Liosta Míreanna: Éide Oibríochtúil
- Aguisín B - Liosta Míreanna: Éide Fhoirmiúil
- Aguisín C – Liosta míreanna atá ar fáil le hordú ar líne trí Chlib Soláthair Thairseach an Gharda Síochána
- Aguisín D – Liosta na Míreanna a éilíonn iarratas chuig Lárstórais an Gharda Síochána atá faofa ag Oifig na gCeannfort/Oifig Rannáin ábhartha
- Aguisín E – Éide chuí agus míchuí d'Fhoireann an Gharda Síochána
- Aguisín F – SUAITHEANTAIS CHÉIME: Oifigh, Cigirí agus Sáirsintí

Aguisín A - Éide

Oibriúchtúil Is éard atá san éide oibriúchtúil:

- Caipín Oibriúchtúil an Gharda Síochána
- Clúdach Caipín
- T Léine (Roghnach – caite faoin Léine)
- Léine
- Carbhat
- Biorán carbhait
- Guailleoga
- Veist Chosanta Phearsanta
- Bríste
- Crios
- Seaicéad Lomra
- Seaicéad Uiscédhíonach
- Bríste uiscédhíonach
- Seaicéad Samhraidh Ard-Infheictheachta (Jerkin)
- Seaicéad Geimhridh Ard-Infheictheachta (Flexothane)
- Crios Fóntais agus Sparáin
- Coisbheart
- Lámhainní
- Crios Fóntais agus Sparáin

Aguisín B — Éide Fhoirmiúil

Tá na míreanna seo a leanas mar chuid den éide fhoirmiúil:

- Caipín Foirmiúil an Gharda Síochána
- Ionar
- Feadóg agus Slabhra
- Cóta Mór (Oifigh)
- Léine
- Carbhat
- Biorán carbhait
- Bríste
- Crios
- Sciorta
- Lámhainní
- Coisbheart
- Láinnéar agus Crios Sam Browne (caite ó chéim an Chigire ar aghaidh)

Aguisín C – Liosta míreanna atá ar fáil le hordú ar líne trí Chlib Soláthair Thairseach an Gharda Síochána

- Caipín Oibríochtúil an Gharda Síochána
- Clúdach Caipín
- T Léine (Roghnach – caite faoin Léine)
- Léine
- Carbhat
- Biorán carbhait
- Bríste
- Crios
- Clúdach Veiste Ard-Infheictheachta
- Seaicéad Lomra
- Seaicéad Uiscédhíonach
- Bríste uiscédhíonach
- Seaicéad Samhraidh Ard-Infheictheachta (Jerkin)
- Seaicéad Geimhridh Ard-Infheictheachta (Flexothane)
- Coisbheart
- Lámhainní
- Sparáin don Chríos Fóntais



Aguisín D – Liosta na Míreanna a éilíonn iarratas chuig Lárstórais an Gharda Síochána atá faofa ag Oifig na gCeannfort/Oifig Rannáin ábhartha

- Veist Bhalaistíoch
- Crios Fóntais
- Earraí Éide Foirmiúla
- Sainriachtanais Feistis mar gheall ar chúinsí leighis a bhfuil tuairiscí leighis cuí mar thaca leo)
- Míreanna TCP (Glais Láimhe, Bata, Tóirse, Sprae Piobar)
- Sainéide – ar fáil nuair a cháilítear é nó í (i.e. Trácht, Foirne Cuardaigh, Ord Poiblí, Láithreacha Coireachta, Cigirí PSV, Seirbhísí Tacaíochta Náisiúnta, nó aon aonaid eile de réir mar a mheastar a bheith cuí)
- Gach mír eile éide nó TCP nach bhfuil liostaithe ar Thairseach an Gharda Síochána

AGUISÍN E – Éide Chuí agus Éide Mhíchuí d'Fhoireann an Gharda Síochána

Oiriúnach	Mí-oiriúnach
Cultacha Gnó	Cultacha reatha
Seaicéid Ócáideacha Cliste	Léinte a bhfuil Cochaill orthu
Cordaí	Barr Giortach
Bríste géine	Barr boilg
Chinos	Brístí colpaí
Brístí Néata	Luiteoga
Gúna	Éadach ar a bhfuil Mana Feiceálach
Sciorta	Aon éadaí ata smeartha, gioblach, salach, stróicthe nó caite (lena n-áirítear éadaí deinime agus éidí comhraic)
Léine agus Carbhat	Brístí Gearra
Léine Ócáideach le Cába	Éadaí Duaithníochta
Blúsánna/Bairr Néata	Éadaí ar a bhfuil íomhánna/manaí a d'fhéadfadh a bheith
Geansaithe	Caipíní Daorchluiche
Cairdeagain	Geansaithe Peile/Spóirt
	Coisbheart atá gioblach nó salach
Ní mór don choisbheart a bheith i gcomhréir le d'fheistias gnó agus a bheith oiriúnach dár dtimpeallacht oibre.	

Aguisín F – SUAITHEANTAIS CHÉIME: Oifigh, Cigirí agus Sáirsintí

Coimisinéir

Suaitheantas fleasc duille dúbailte leis na litreacha G.S. agus dhá diamant óir ar dhromchla dearg ar gach guailleog; dhá shuaitheantas óir ar dhromchla dearg ar mhuineál chába na héide, ceann ar gach taobh; dhá sprae de dhuilleog darach in ór ar bhuaic an chaipín.

Leas-Choimisinéir

Suaitheantas fleasc duille dúbailte leis na litreacha G.S. agus réalta óir amháin ar dhromchla dearg ar gach guailleog; dhá shuaitheantas óir ar thalamh dearg ar mhuineál chába na héide, ceann ar gach taobh; sprae amháin de dhuilleog darach in ór ar bhuaic an chaipín.

Coimisinéir Cúnta

Suaitheantas fleasc duille dúbailte leis na litreacha G.S. de dhath óir ar dhromchla dearg ar gach guailleog; dhá shuaitheantas óir ar dhromchla dearg ar mhuineál chába na héide, ceann ar gach taobh; sprae amháin de dhuilleog darach in ór ar bhuaic an chaipín.

An tArd-Ceannfort

Barra óir amháin agus dhá diamant óir ar dhromchla dearg ar gach guailleog; dhá shuaitheantas oifigiúla (óraithe) ar dhromchla gorm ar mhuineál chába na héide, ceann ar gach taobh; banna bróidnithe le sreang óir .5 " leathan timpeall imeall seachtrach bhuaic an chaipín.

Ceannfort

Barra óir amháin agus diamant óir amháin ar dhromchla dearg ar gach guailleog; dhá shuaitheantas oifigiúla (óraithe) ar dhromchla gorm ar mhuineál chába na héide, ceann ar gach taobh.

Cigire

Barra óir amháin ar dhromchla dearg ar gach guailleog; dhá shuaitheantas oifigiúla (óraithe) ar dhromchla gorm ar mhuineál chába na héide, ceann ar gach taobh.

Sáirsintí

Caithfidh sáirsintí léine ina bhfuil rachtáin ceangailte le muinchille an chéanna. Rachtáin anóidithe ar gach guailleog, nuair a bhíonn ionar á chaitheamh. Beidh na rachtáin lárnach ar an nguailleog agus beidh an pointe ag seasamh os comhair amach agus 5mm ó uaim cheann an mhuinchille.